



## **Universitätsbibliothek Paderborn**

### **Acta Ecclesiae Mediolanensis**

Actorvm Ecclesiae Mediolanensis, Pars Tertia - In Qva, Liber Memorialis Ad  
populum Ciuitatis, & Dioecesis Mediolanensis, A Beato Carolo Borromaeo  
Titvli Sanctae Praxedis compositus continetur

**Borromeo, Carlo**

**Brixiae, 1603**

Vicinarum gentium fidem, salutemque sibi curandam suscipit. cap. 4.

**urn:nbn:de:hbz:466:1-10502**

sur, insueta purpura collucentia, pīj omnes contemplabantur; & temporum fœlicitatem vicissim gratulabantur. Quæ Taurini, multitudinis infinito concursu, etiam ex corruptæ fidei locis, pie, sancteque acta sint; in sanctissima Sindone aspicienda, publice ostendenda, publiceque adoranda; in precatione quadraginta horarum, ab universis ciuitatis ordinibus per stationes de more continuanda; in sacris concionibus ab ipsis Cardinalibus, ab Episcopis, qui conuenerant; a sacerdotibus aliis, tum per singulas stationes, tum alias quoque, ad eorum populorum salutem habendis: in Domini corpore, pompa magnificentissima per urbem rite ferendo; eiusque festo die celebrando; hæc omnia ex iis, quæ alias in hoc genere facta narravimus, existimari possunt. Inde vero per Padum discessere Cardinales. Paleotus logius delatus est, Bononiam versus. Carolus in Casalensi dioecesi nauicessus, par oceiam suam oppido propinquam recognouit. inde ad montana loca profectus, usque ad Septembrem rebus sacris ordinandis, populisq; ad salutem iuuandis operam dedit. Romam hoc eodem anno redire Carolus constituit: tum quia eius rei tempus ex ecclesiastica norma, post trienium recurrerat: tum etiam quod multarum rerum causa, quæ ad Ecclesiæ statum pertinebant, eius virtus a multis ibi desiderabatur; & erant quotidiani, qui instarent. maturius autem profectus est, quām putarat; ob gravissimum morbum Camillæ sororis. de quo cum accepisset pridie natalis Virginis festi; ea ipsa nocte, dispositis ad cursus equis, Vastallam contendit. sed eò cum peruenisset, offendit mortuam: cum paucos ante menses Anna quoque ex hac vita migrasset. Commodum igitur ita arbitratus, inde Romam petere statuit: cum profectionis causam priustamen ab Episcopo Dertonensi, utpote ceteris pro-

Pars III.

uincia Episcopis antiquiore, probari ad præscriptum decretorum provincialium curasset. Romæ de iuuandis inter alia vicinis populis hæresis contaminatis, egit; de quo latius postea explicabimus. sacras Ecclesiæ fastæ cœremonias, a certis Cardinalibus; viris doctis ad consultationem exhibitis, auctoritate Pontificia constituenda curauit: opusque iam cœptum vidit, antequam discederet. alia permulta, quæ necesse non est enumera. Seminario suo duas Carthaginenses Præposituras, quæ Humiliati ordinis fuerat, impetravit: Abbatiam vero Secadanam in agro Alexandrino congregationi Oblatorum. In eundem anno M. D. LXXXIII. Roma rediens ad grauissimam controvèrsiam inter duos Italos Duces componendam, iussu Pontificis venit. quam rem complexus, ita deinde, tamque fœliciter non multo tempore confecit; vt & Pontifici ipsi, & vtrique parti satisfaceret. Mediolanum cum rediisset, tribus diebus consueto ritu, cum uniuersis ordinibus supplicationes obiicit ad statas ecclesiæ, ob Didaci Hispaniarum principis obitum: ita enim Philippus pater, omisisse funebrium precum officiis, pro decem annorum puero, faciendum pie iudicauit.

Hinc ad vicinas gentes, hæresi, malisque aliis afflictas, iuuandas, Carolus animum adiecit. Plurima fecerat ob eam causam antea; quemadmodum demonstratum est. Multis populis, plurimis etiam hominibus separatim, varia ratione saepius ad salutem subuenerat. Fecerat Carolus non solum, vt illis opem ferret; sed vt eodē etiam tempore ecclesiæ suæ, atque adeo ipsi Italiæ caueret; cui magnum ab ea parte periculum, videbat imminentem. licet enim variis decretis prouidisset; ne, quod propter varia negotia quotidie accidit, vel exteri venientes in prouinciam suam, quidquam sanctæ fidei, disciplinæq; detri-

Vicinarum gentium fidem, salutemque suis curandam suscipit.

CAP. III.

kk 3 menti



menti possent afferre; vel sui ad loca deprauata eentes, contaminarentur; & si quid ipsi labis cōtraxissent, cum patria communicarent: multò cautijs tamen, tutiusque fore animaduer tebat, vicinam partem, si fieri posset sanare; quām ne quid proximē cor rumperetur, enīt. Vicinam partem intelligo non Heluetios solum; & qui primam Rhætiam incolere putantur, Grisones appellatos: sed multò magis Italos populos, neque exiguos; neque ignobiles; qui citra ipsum qua si Italiae vallum, Alpes dico, ditionis Mediolanensis fines attingunt: & sub earū gentium imperium, ceciderunt. Heluetiorum quidem certos pagos scimus rectam apud se fidem, & in suis citra alpes adhuc conseruare. sed ea tamen in rebus ecclesiasticis disciplina vtuntur; vt maiora sint ijs pericula pertimescenda. nam cæteri, post amissam disciplinæ integratatem etiam diuinæ veritatis lucem perdiderunt; miseriisque sunt errorum tenebris circumfusi: tum sua in eos, quibus imperant, mala deriuarūt. at eiusmodi pericula item, vitiaq; quantum posset, tollere Carolus in animo habebat. Rhæti vero illata semel a Zun glio hæresi, ante annos circiter sexaginta; Episcoporum Curiensium p̄mō negligentia; deinde infirmitate, negligentiaque simul; ad eam enim ecclesiam pertinent; in eum denique statū venere, vt ex tribus pagis, quas ligas appellant, quibus tota Rhætorum ciuitas continetur; duæ magna ex parte heretica peste corrupte sunt; tertia, quæ genti nomen dedit, cum Grisia vocetur, & maioris videtur au storitatis, dimidia tantum ex parte sequi videatur catholicā fidem. Cum vero non exiguae etiam citra alpes regiones occupent; quæ natura, & lingua Italicae sunt; & prouinciae Mediolanensis antea fuerunt; eandem ad illas calamitatēm transfuderunt.

Eiusmodi vallis est, quæ Mesauina

dicitur, a Mesauis populis, in qua cū stellum hodie quoque, paulum corrupto nomine, Mesocum appellatur. Eiusmodi Pesclauium cum agro, & valle, quæ ad illud pertinet. qui quidem populi, Rhætici popularis domi natus sunt participes. Sed est alia val lis lōge maxima, & multarum rerum copijs abundans; quæ hominum ad centum millia, cum nobilibus familijs, varijs castellis, vicisque dicitur continere. Telina illa est. eius longitu dine pasuum circiter sexaginta mil lium, Abdua fluens, demum Larium lacum ingreditur; vel potius illum ef ficit. est & alia minor, Larium, medio quodam alio lacu pariter attingens, quæ ab Castello Clauenna nominatur; cui vallis alia sancti Iacobi nomi ne dicta coniungitur. Harum vallium populi, dominatus minime partici pes, tali sub imperio, si tantummodo essent; tolerabile videretur: sed ea do minatus ratione a iudicibus plerum que hæreticis premuntur; vt hæresis pestem in dies magis, magisque recipere quodam modo cogantur. quæ ex re, qui non multos ante annos incor rupta fide viuebant, nunc ex parte non modica sunt inquisiti: atque ita serpit malum, quotidie manat; vt nisi Deo miserante, quis occurrat; breui ( quod auerrat Deus ) populos vniuersos, qui tamen Itali sunt, occu patum penitus videatur. vnde non paruum reliquæ Italiae periculum ima mineat: præter illud præsens, grauissimumque detrimentum, quod nefariæ libertatis causa, eō tamquam in tutum locum, mira facilitate, ob ni miā locorum propinquitatem, se recipiunt Itali omnes, quotquot or dines religiosos, fidemve ipsam impie, pernicioseque deserere statuunt. His igitur regionibus, populisq; omnibus, cum ab se Carolus, quantum fieri posset, totis viribus subuenientum statuisset: re ad Pontificem Romæ delata; Heluetiæ, Rhætiaque, Vi

fita-



ftatoris Apostolici nomine, magna cum potestate præfectus est. Roma reuersus, neque laboribus, neque sumptibus ullis parcendum sibi statuit, vt miseris subueniat: omnes vias circumspicit, exploratque, quibus vijs tantis malis possit remedium afferre. Caroli desiderio illud erat adiumentum; quod aduentu Duci Terræ nouæ, ecclæg Mediolanensis administratio facilior videbatur: & contentionis aduersæ loco, rebus salutaribus auxilijs ab eo expectabatur. cuius rei indicia multa statim is dederat: hoc in primis; quod administrationis initio superiora edita de more renouatus, & ea omisit, reiecitve, quæ populi pietatem antea magnopere turbaverant; & alia promulgavit, quæ Carolus cupiebat; quæque iam a Rege ipso per Clericum postulauerat. præterea se se rebus omnibus eam rationem initurū pollicebatur; quæ a controuersia, contentioneq; maxime esset aliena. quod Carolus etiam sperabat; pietate principis adductus antea sibi perspecta. Audoenum Ludouicium præterea Anglum; nunc Episcopum Cassanensem, administrationis suæ primarium Vicarium relinquebat; cuius fidei, virtutique confidebat plurimum. Hæ res ob firmam spem publicæ quietis, rectæque gubernationis, locum Carolo dabant, vt extorū saluti operam dare facilius posset. Cisalpinos igitur cum in primis sibi tentando, iuuandoque ob propinquius periculum constituisset; Mefaucos ex his primos sibi petendos existimauit; quod primarijs quibusdam regionis viris auxilium petentibus, multitudine ad id parata, proficiendi spes erat non mediocris. Est ea vallis longitudinis millium circiter viginti, & mortalium ad millia vnde decim continet. Cum autem Mefauci essent in administratione, & imperijs Rhætorum confortes, & Grisiæ gentis pars, quæ grauior esset, & a recta fide minus aliena: securius ibi agi posse videbatur; si forte ob renouatum pietatis cultum, ijs reliqui vellent aliquid negotij facessere. Accedebat, quod publico vicorum consilio nonnulli ex valle ad Carolum venerant; iudicemque petierant, qui apud eos maleficas, strigesq; inquireret. quod quidem ob veteri eorum more, ad Archiepiscopum Mediolanensem similes ob causas fugiendi, non abhorribat. Eò igitur Carolus præmisit Franciscum Borsatum Matuanum clari nominis iurisconsultum, qui ad clericalem ordinem nuper transferat: vt de maleficiis quæreret, iudiciumque ferret; & Caroli officijs quodammodo viam pararet. Is profectus, conuocato totius vallis consilio; sic acceptus est; vt magnas se Carolo, ipsiq; Francisco gratias habere de huiusmodi charitatis officio incolæ responderent. Ille igitur ea omnia studiose suscepit, quæ mandata erant; & totam vallē perlustrauit: donec Carolus aduenit ipse, qui summo gaudio exceptus; & quibus potuit in locis siluestribus, ab eiusmodi hominum geaere, maximis honoris significationibus acceptus fuit. Antequam vallem ingredetur; suis omnibus conuocatis, ostendit quantam rem susciperet; quam acres, astutæque Dæmonum concertiones expectandæ essent. proinde tum assidia, & ardenti precatione cum ieiunio, salutarij; aliarum rerum patientia coniuncta, opus osse; tum magna quoque cautione; ne quidquam ab ali quo fieret, dicereturve, quod ex ea gente quisquam in malam partē posset, vel ob iudicij infirmitatem accipere. quod vbiique ex christiana pietate cauendum erat, id ijs locis præciuo studio fugiendum. Quo die Roberetum peruenit (præcipuum illud est invallis prima parte castellum) magno incolarum concursu, Pontificali habitu venit ad ecclesiā: ubi sumpto concionis argumento ex sacra loce-

KK 4 phi

phi historia, quem pater miserat, vt  
fratres quereret; & quomodo ipsi,  
gregesq; se haberent, patri referret:  
missum se dixit ad fratres suos a sum-  
mo Romano patre.missionis caussam,  
suumque erga illos amorem, & ipso-  
rum conditionem, statumque sic ex-  
plicauit; vt pie admodum multitudo  
commoueretur, & fleret.Hæc Robo-  
reti agebantur. summo mane Franci-  
scus Panicarola nūc Episcopus Asten-  
sis, verba faciebat ad gentem catholi-  
cis dogmatibus instituendam, accom-  
modata: Carolus postea Missæ sacrum  
faciebat; concione altera populum  
pie cohortabatur.Achilles Galliardus  
ex societate I E S V vespere christia-  
næ fidei prima dogmata accurate do-  
cebat: deinde multitudo litanie, eius-  
dēq; modi sacræ precationibus exer-  
cebatur. sacræ confessiones quotidie  
audiebantur; qua in re magna erat a  
Carolo impertita sacerdotibus ad ani-  
mas expiandas auctoritas. Ad concio-  
nes, ad diuina officia, ad sacrosanctam  
communionem, mares, & foeminæ,  
cuiusvis ætatis; gregibus pascendis,  
operibusque victus causa faciendis  
addictum vulgus; quotidie conuenie-  
bant, vt si dies illi singuli festi fuissent:  
idq; eximio quodam salutis de-  
siderio, miroque in Carolum vti pa-  
trem amantissimum, amore, & obser-  
vantia facebant; vt ferme nascentis  
ecclesiæ imaginem quandam cognoscere liceret. Carolus interim quoti-  
diano iejunio fese exercens, pane, &  
aqua tantummodo sustentabatur, fe-  
stis exceptis diebus. comites, quo-  
niā sacri dies Adventus erant, Qua-  
dragesimæ cibis vtebantur: qua qui-  
dem abstinentia ob multarum rerum  
inopiam iis locis erat incommoda val-  
de, magnique sumptus.Roboreti plu-  
res cum dies moratus esset; & in ea  
va. His priore parte plurima gessisset:  
ad extremam transit; qua parte præ-  
cipuum castellum alterum est Mesau-  
eum, a quo tota vallis nominatur.duo

enim vallis rectores in iis duobus locis sedem habent. Eadem ibi ratione se gessit; similemque tulit laborum suorum fructum . Regionis mala ipse quidem, non vt iudex; sed vt quilibet sacerdos, Deique minister fere persecutus est. ipsis tantummodo genit is legibus est vsus; quibus eam quisque fidem sequi permittitur, quam velit; & ita catholicis pariter, & hæ-  
reticis proprios per leges licet habe-  
re sacerdotes, & doctores, quam-  
quam re ipsa per omnem Rhætorum  
ditionem; maxime autem in dediti-  
tiis: magna fit in eo generis catholicis iniuria. cum enim hæretici pas-  
sim, quos volunt, etiam exteriores, igno-  
tosque sacerdotes, religiosorumque  
ordinum apostatas recipiant: catho-  
licis contra leges prohibetur, alte-  
rius regionis presbyteros, conciona-  
toresve adducere; si modo rectoribus  
plerumque hæreticis non placeant. ij  
vero factis nominibus, calumniisque,  
sive publicæ quietis turbatæ; sive ma-  
ledicti in aduersarios prolati, pro ar-  
bitrio vtuntur, vt bonos quoque pre-  
sbyteros diuexent, atque cipliant. ma-  
los, licet catholicos, ferunt facilius;  
quod eorum vitia sibi ad hæresim pro-  
pagandam usui esse perspiciunt. quin  
etiam Episcopi sui subfidia iniq; pro-  
hibere solent: vt prohibito Pastore,  
facilius grex diripiatur. Ita miseri,  
cum aliquo sacerdotum ministro care-  
re non possint; dum alii non suppe-  
tunt, sive improbos homines, non-  
numquam etiam impios fibi docto-  
res alciscere coguntur. atque inter-  
dum fuit, qui detestando scelere mul-  
titudinem fallens, nullius sacri ordi-  
nis homo, sacra omnia aliquo loco  
conficeret. Igitur ardenti amoris, &  
charitatis officio Carolus hæreticos  
circiter viginti ad Ecclesiam catholi-  
cam conuertit. pauci enim præ reli-  
qua multitudine corrupta fide erant:  
ac si loca extrema quædam detrahe-  
res, que aliorum populorum propin-

qui-



quitate, licet asperis interpositis montibus, frequentiorem hæresis pestem contraxerunt; recti, catholicique sensus erant fere omnes. Duos cœnobitas, qui fœminas secum, filiosque ex eis habebant; & non minus inopem, ac miseram, quam sceleratam vitam agebant, inflexit, ut ad suos ordines, religiosamque vitam redirent. ea in re summa, incredibilius vñsus est benignitate, amantissime cohortando, poenasque meritas minuendo; immo illas sibi adscribendo: tum fœminis quoque, & natis sua cura, sumptuque collocandis, & sustentandis presbyteros à concubinis, quas palam habebant, abstraxit: minime aptos exclusit: malos puniuit. in iis saltem ecclesiis bonos collocavit; quarum esset structura decens. sacerdotes è societate I E S V eo accersiuit; qui non fide solum, & moribus christianis omnes; sed pueros etiam literis erudirent: cum Rhætia fere tota magistris paulo saltē eruditioribus careret. eis amplas ædes rectorum consensu tradidit, quas Triuitij olim Mesoaci Marchiones obtinuisse dicuntur: vt eorum collegium summa incolarum voluntate constitueret. plurimos præterea, qui vel ob clandestina, graduque prohibito contracta matrimonia, peccati sordibus hærebant: vel ob praua lucra, & iniqua fœnora Dæmonum laqueis constricti tenebantur; variis modis excitauit; atque ab eiusmodi miseria, animaque vinculis, pro sua auctoritate liberauit: tum a peccandi licentia in posterum reuocauit. omnino circiter viginti dierum opera, Carolus ita res iis locis immutauit; vt alia prope gens videretur; omnesque ad optimum pietatis cultum ex præterita corruptione se excitatatos ostenderent. Iudicium de artibus maleficiis, Dæmonumque nefario cultu, Boris ita peregit; vt decem fœminæ, quas sceleris non pœnitiebat, dam-

natae, sœculari, vt vocant, brachio traderentur: quarum etiam pars post paucos dies iussu magistratum igni necata est: aliæ plurimæ impietatem detestatae, veniaque petita punitæ sunt. neque tamen impii flagitiæ mares expertes erant: immo, quod horribile est, ipse Præpositus Ecclesiæ Sancti Victoris Roboreti, quæ in tota valle præcipua est, dux eius, & caput fuit; sacrificisque rebus in eo nefarie abutebatur. is autem gradu sacro deiectus, magistratus itidem dimissus est, vt iuris erat, puniendus. Eius loco Ioannem Petrum Stupanum Theologum in gentis imperio natum, Carolus ecclesiæ illi præfecit; qui adhuc locum tenet; pieque populos pro virili parte iuuat. Scelus illud huiusmodi esse ex reis repertum est. certis diebus in loca silvestria nullo labore, vel incommodo ferebantur. ibi demoni, qui principem locum tenebat, cum primò quis accederet, se se tradebat; & facrosanctam crucem conculcare iubebatur. eo loco saltationibus, choreisque vacabant. carnes a dæmone acceptas edebant. omni libidinum, turpitudinumque gene re se se contaminabant. quæ omnia tam specie tantum, quadam, & quasi per somnum miserorum animos afficiebant; ita vt cibi, resque aliæ inane quoddam tantummodo, vanumque afferrent oblectamentum. quæ res saltē, infelices mortales à scelere debuerat alienare. sed eo vinculo constricti erant; vt non solum non resipiscerent; sed studerent etiam maxime societati quamplurimos alios aggregare. puellas cum vix nubiles essent, erat, qui per insidias ad id incitaret: quia ipsæ matres impellebant. nonnulli erant, qui tota ætate, iam senes ea ratione turpitudini, atque impietati seruierant. immo erant familiæ, in quibus iam plures ætates, à maioribus, quasi iure quodam hæreditatis id flagitiū posteris tradebatur.

huius